

11. *Labops (Orthocephalus) punctatipennis* n. sp.

Corpus breviter et late ovale, crassum, cum antennis et pedibus nigrum, valde nitens; vertice margine tenui acuto, ante marginem transversim distincte impresso; fronte cum clypeo deorsum vergente in arcum confluyente; antennarum articulo primo orbitae oculi interiori longitudine subaequali; pronoto antice medio sulcis duobus profundis transversalibus sub-confluentibus arcumque formantibus, disco postico fortiter transversim rugoso-punctato; scutello sub-laevi; hemielytris formae brachypterae totis coriaceis segmentum dorsalem quintum sub-attingentibus, apice versus suturam oblique late truncatis, nitidis, dense et fortiter impresso-punctatis; pedibus robustis. Long. ♀ 2²/₃ mm.

Duo specimina ex Europa meridionali a. D. Ullrich verisimiliter circa Triest olim lecta in Mus. Caes. Viennensi examinavi.

Species aspectu generi *Euryopocori* Reut. valde similis.

12. *Labops (Pachytoma) pachymerus* n. sp.

Niger, opacus, pilis albis faciliter divellendis dense vestitus, antennis articulo primo valde incrassato, obconico, crassitie maxima ad summum triplo longiore, dense longius valide spinoso-setoso, latitudine interoculari verticis circiter 1/4 (♂) vel 1/3 (♀) brevior, articulo secundo lineari ferrugineo, interdum ipsa basi fusco, ultimis fuscis; genis macula superiore obscura, marginibus acetabulorum orificiisque metasterni, apice femorum saltem anteriorum anguste tibisque externe, apice excepto, sordide albidotestaceis; vertice plano medio transversim impresso; oculis haud stylatis; pronoto disco antice bifoveolato, postice transversim subtiliter ruguloso; hemielytris formae brachypterae segmentum quartum abdominis attingentibus, apice late fere recte vel versus suturam parum oblique truncatis: pedibus validis, femoribus posticis longis et crassissimis, antice inferneque densius spinosotosis, tibiis valide spinosis. Long. ♂ 3¹/₂, ♀ 4¹/₃ mm.

Habitat in Hispania, ubi ad Villalba a D:no Bolivar captus; sub nomine *Pachytoma rugicollis* a D:no Chicote in Addic. Enum. Hem. Esp. (An. Soc. Esp. Hist. Nat. T. IX. 1880 p. 191) enumeratus.

A. L. (*P.*) *rugicollis* Jakovl., cujus specimina e Rossia meridionali in Mus. Caes. Vienn. examinavi, differt oculis haud stylatis, articulo primo antennarum multo crassiore, hoc femoribusque densius validiusque setosis aut sub-spinosis, femoribus posticis multo validioribus.